



Na osnovu člana 21a. Zakona o zaštiti ličnih podataka ("Službeni glasnik Bosne i Hercegovine" broj 49/06, 76/11 i 89/11) i člana 66. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“ broj 35/05) direktor Zavoda za planiranje razvoja Kantona Sarajevo, donosi

O D L U K U
o uspostavi i vršenju video nadzora
u Zavodu za planiranje razvoja Kantona Sarajevo

Član 1.
(Predmet odluke)

Ovom Odlukom se uspostavlja video nadzor u Zavodu za planiranje razvoja Kantona Sarajevo (u daljnjem tekstu: Zavod) na adresi Branilaca Sarajeva broj 26 i Kaptol broj 6, te se propisuje svrha njegovog uspostavljanja i pravila obrade, čuvanja i korištenja podataka dobivenih putem video nadzora.

Član 2.
(Svrha)

Video nadzora u objektima Zavoda uspostavlja se radi:

- zaštite sigurnosti radnika i drugih posjetilaca,
- sprečavanja i onemogućavanja, a po potrebi istraživanja incidenata,
- sprečavanja mogućih opasnih ili neovlaštenih fizičkih ulazaka,
- sprečavanje neovlaštenog ulaska osiguranim prostorijama i IT infrastrukturi,
- sprečavanje, otkrivanje i istraživanje slučaja krađe, uništenja i oštećenja opreme ili imovine Zavoda,
- drugi slučajevi shodno Zakonu o zaštiti ličnih podataka.

Član 3.
(Video nadzor)

- (1) Video nadzor obuhvata unutrašnje i vanjske kamere, monitor za praćenje u realnom vremenu i uređaj za snimanje i pohranjivanje videozapisa.
- (2) Manuelno brisanje videozapisa nije dozvoljeno, izuzev uz odobrenje direktora Zavoda.
- (3) Video nadzor iz člana 2. ove Odluke vršit će se na ulazima, hodnicima i stepeništima Zavoda u oba objekta iz člana 1., te na vanjskom zidu zgrade Branilaca Sarajeva (prema Metalac igralištu). Kamere su postavljene shodno tehničkim mogućnostima, na osnovu organizacijskih i bezbjednosnih potreba.
- (4) Video nadzor nije dozvoljen u kancelarijama, salama za sastanke, kuhinji, niti sanitarnim prostorijama.

Član 4.
(Obrada ličnih podataka putem video nadzora)

- (1) O video nadzoru iz člana 3. stav (3) ove Odluke vodi se zbirka ličnih podataka.
- (2) Obrada ličnih podataka putem video nadzora vrši se u obliku video zapisa koji sadrži: sliku, datum i vrijeme.
- (3) Lični podaci iz zbirke ličnih podataka iz stava (1) ovog člana pohranjuju se na uređaj za snimanje, te se čuvaju najduže 30 dana od dana nastanka.
- (4) Uvid u zbirku ličnih podataka iz stava (1) ovog člana, može se dozvoliti ovlaštenim službenim licima nadležnih sudova, tužilaštava i policijskih agencija u BiH, i to u slučaju:
 - da se desila incidentna situacija vezana za ugrožavanje sigurnosti i ljudi,
 - da je nadležni policijski organ podnio pismeni zahtjev za omogućavanje pristupa video zapisu sa jasno određenim vremenskim razdobljem za koji se traži pristup,
 - da u arhivi snimljenog materijala postoji traženi snimak.
- (5) Snimci sa video nadzora se mogu izdavati i drugim licima u skladu sa zakonima koji se primjenjuju u BiH.

Član 5.
(Sigurnost)

- (1) Uređaj za snimanje nalazi se u server sobi Zavoda na adresi Branilaca Sarajeva br. 26, kojima pristup imaju samo ovlaštene osobe.
- (2) Direktor, lica koja direktor ovlasti i portiri Zavoda imaju pristup video nadzoru u realnom vremenu na svojim kompjuterima.
- (3) Pristup pohranjenim snimcima i mogućnost brisanja pohranjenih snimaka ima direktor Zavoda i lica koja on ovlasti.
- (4) Zaštita neovlaštenog pristupa snimcima uspostavljena je na način da je za pristup istim potrebna posebna šifra koju imaju direktor i lica koja on ovlasti.

Član 6.
(Obavještenje o video nadzoru)

- (1) Radnici Zavoda kao i sva lica koja ulaze u prostorije Zavoda obavješteni su o vršenju video nadzora putem jasno vidljivih obavještenja „Objekt pod video nadzorom“ koji su postavljeni na ulaze u prostorije Zavoda u kojima je postavljen video nadzor.
- (2) Isticanjem obavještenja iz stava (1) ovog člana smatra se da su lica obavještena o obradi ličnih podataka putem video nadzora.

Član 7.
(Stupanje na snagu)

Ova Odluka stupa na snagu danom donošenja i bit će objavljena na oglasnim tablama Zavoda i web stranici.

Sarajevo, 18.12.2023. godine
Broj: 07-45-4876/23

